

CLERICUS
ROMANUS

CONTRA NIMIUM RIGOREM MUNITUS

DUPLICI LIBRO

QUORUM UNO

VETERIS ECCLESIE SEVERITATEM,

ALTERO

PRÆSENTIS ECCLESIE BENIGNITATEM

A quorundam Scriptorum Calumniis vindicæ

P. BALDASSAR FRANCOLINUS

SOCIETATIS JESU THEOLOGUS.

SUB AUSPICIIS

Eminentissimi, ac Reverendissimi Principis

FRANCISCI BARBERINI

S. R. E. CARDINALIS.

Cui Author, & Clerici Sem. Rom. Abbatiarum

BIBLIOTHECA Sublacen. & Farfen. se suaque
ROMA Studia dedicant.

VITTORIO EMANUELE



ROMÆ, MDCCV. Typis Cajetani Zenobii SS. D. N.

CLEMENTIS XI. Typographi, & Scalptoris,
ante Seminarium Romanum.

SUPERIORUM FACULTATE.

EMINENTISSIMO, ET REVERENDISSIMO
 PRINCIPI
FRANCISCO
BARBERINO

S. R. E. CARDINALI,
 Abbati Sublacen. & Farfen. &c.

*Dominicus Lupi, Franciscus Lelli, & Dominicus
 Capparellus Clerici Sem. Romani, ex
 Abbatia Sublac. & Farfen.*



D Ecclesiasticam Benignitatem, quæ Romanum Sacerdotem Sacramenti Pœnitentiæ Ministrum deceat, informandi, quærebamus nobis, nostrisque studiis Patro-
 § 2 num

num Ecclesiasticum, Romanumque. Vix autem ejus quærendi votum cordi infedit, cum statim incidit animo cogitatio Tui, PRINCEPS EMINENTISSIME, nec cogitatio solum, sed firma voluntas, & persuasio, ne alium quæreremus, in Te solo habituri auspicia felicissima, tutum Patrocinium, Ecclesiasticæ, ac Romanæ Benignitatis exemplum. An non felicitatem nobis promittat is, qui de ea Gente, & Familiâ prodiit, quæ publicæ semper felicitati servivit, servitio sanè prænobili, quod illos maximè deceat, quos maximè decet imperium populorum? An non spem felicitatis nobis faciatis, in quem ornamenta omnia, & virtutes omnes, quibus paratur publica felicitas, congeffit DEUS, Indolem regiam, Munificentiam plusquam regiam, Mentem, curis quàm sit opus humanis, capaciore? An non felici nobis auspicio sit ille, qui extincto Patruo Cardinali amplissimo, sapientissimoque suffe-

ctus

Etus tot suæ in nos benevolentia signa præbuit, ut ingentis jacturae sensum propemodum ademerit nobis, & abundè restituerit, quod mors sustulerat, amantissimi Principis Patrocinium.

Hoc in Te habemus tutissimum, & experimur. Suscipiunt plerumque Principes patrocinia multa, sed pauci Patrocinii curas; Titulis contenti, nihil solliciti de merito, vel de onere Titulorum. Te Nominum ambitio non tangit, nec Titulorum, quibus abundas, sed amor tangit, & cura sublevandæ alienæ miseriæ, & protegendæ studiosæ Juventutis, eorum præsertim, quos in hoc primo Urbis, & Orbis Seminario alis ipse, & jubes ad Pietatem, & Sapientiam Ecclesiastico viro dignam erudiri.

Quamvis (ut verum fateamur) sic ad utrumque nos erudis ipse Exemplo Tuo, Moribus Tuis, Vultu Tuo ad omnem Virtutem composito, ut nobis vix

opus

opus sit alio Instituteore . Moralis nos Theologiæ studium detinet modò, exercetque, studium hoc seculo periculosum, cum hinc ad se vocent laxioris , liberiorisque doctrinæ Authores , Scriptoresque , hinc obstrepant , & revocent Censores rigidi, Authores , aut vindices intolerabilis disciplinæ . In hac ancipiti cura , rationem , qua ab utrisque caveamus, præbuerunt nobis Apes Tuæ, artifices quidem Mellis, & Benignitatis, sed artifices armatæ ; aculeo terribiles favis , quos à præsepibua arcent , melle amabiles loci Colonis , quibus recreandis favos condunt , & nectare locuple-
tant .

Indolem illæ tuam , Virtutes tuas, quas imitemur , nobis exhibent , benignitatem hostibus Fidei , publicæ felicitatis perturbatoribus nihil benignam , severitatem cum subjectis , cum supplicibus , cum indigentibus nihil severam. Hanc nos in Morali Theologia benigni-
tatem

tatem profiteri cupimus, eique compa-
randæ impendimus studia nostra, quo-
rum in parvo hoc libello specimen ali-
quod exhibemus Tibi, ut incipias
jam colligere fructus Patro-
cinii Tui, & ex his
sperare ma-
jores.

¶ M.

IMPRIMATUR.

**Si videbitur Reverendissimo Patri Mag. Sac.
Apostol. Palat.**

*Dominicus de Zaulis Episc. Verulanus
Vicesger.*



IMPRIMATUR.

**Fr. Paulinus Bernardinius Sac. Apost. Palat.
Magist. Ord. Prædic.**

CLERICO ROMANO.



Udd Tibi, præ cæteris universæ Ecclesiæ Clericis, has meas Disputationes legendas præbeam, non miraberis, si bene nosti Ecclesiam, cujus te servitio dedicasti, nec ignoras harum mearum Disputationum argumentum.

Nimum hæ rigorem in administrando præsertim Sacramento Pœnitentiæ quotidie magis invalescentem insectantur, & sanctam benignitatem ab antiquissima priorum seculorum Ecclesia non rejectam, imo invecam, pluribus ab hinc seculis ab omnibus Orbis Terrarum Ecclesiis adamatam propugnant. Debent igitur legi, & perlegi à Te, qui ei servis Ecclesiæ, quam nunquam Rigorismus afflavit, quæ alios eo correptos ad mitiora consilia revocavit, quæ tandem benignitatem in Populos sibi subiectos, & præsertim in Pœnitentes exhibuit semper maximam ita, ut

§ §

Romæ

Romæ sacræ decus fuerit *Parcere subje-
ctis* , ut Romæ profanæ munus fuit *De-
bellare superbos* . His tribus prærogativis
commendatam semper Romanam Ecclesiam
fuisse , Tibi breviter ostendo, ut Ecclesiæ tuæ
decora tuearis , ut hos meos libellos adames ,
quos soli oderint hostes Ecclesiæ Tuæ .

Alias quidem Ecclesias, nec paucas, alia-
rumque Ecclesiarum Doctores, Episcoposque
nimius quandoque rigor decepit. Rigor Mon-
tani Tertullianum corripuit , virum antea
custodem Ecclesiasticæ disciplinæ , & vindi-
cem Religionis ; quin & Ecclesias multas , ut
refert S. Hieronymus ad Ctesiphontem scri-
bens , & ex eo Card. Baron. ad ann. 173. n. 3.
Episcopos non paucos circa eadem tempora
non quidem rigor Montani multiplicando-
rum præceptorum cupidus , sed alter equè
damnabilis invasit , quo suadente venia Pec-
catoribus utcunque pœnitentibus negari ce-
pit, præsertim in Aphrica, primò quidem non
omnibus , sed solis lapsis in quæstione fidei ,
aut mœchis, inde omnibus, quos maturè non
pœniteret suarum culparum , tandem omni-
bus absolutè. Primos Rigoristas in Lapsos
redarguit Cyprianus epist. 54. ad Cornelium
Pon-

(III)

Pontificem *ut importunos, vel etiam inhumanos censors*. Aliorum, qui *in totum Pœnitentiæ locum contra adulteria clauserunt* meminit idem Cyprianus epist. 52. ad Antonianum, uti etiam aliorum inter quos fuit ipse, quibus visa fuit pœnitentia sera pœnitentia nulla. Postremos nempe Novatianos ex Rigoristis Schismaticos, inde Hæreticos, aut priùs Hæreticos inde Rigoristas (utrumque enim contingit) Patres omnes, synodique perplures damnarunt.

Ut Aphricanam Ecclesiam ita Græcam nimius quorundam rigor non semel perturbavit. Primi fuere Pharisei quidam Antiocheni ad fidem conversi, sed Legis Mosaicæ, & paternarum traditionum vindices importuni, quorum ea perpetuò in auribus Gentilium Neophytorum vox resonabat, *nisi circumcidamini, secundum morem Moysi, non potestis salvari*. Eiusdem farinæ doctores perturbare Galatas, quorum meminit Paulus ad hos scribens cap. 1. *Nisi sunt aliqui qui vos conturbant, & volunt convertere Evangelium Christi ex levi iugo in onus prægrave, nec humanis viribus attemperatum*. His Ecclesiarum perturbatoribus exturbatis, & circumci-

(IV)

sione penitus abrogata, cepit aliquibus rigide, & subtiliter religiosis displicere Baptismus ab Hæreticis collatus, vel non placere penitus, ejusque valor in dubium revocari. Hæc enim semper fuit Rigoristarum indoles, anxia, ad-dubitans, inquieta. Quot autem Episcopos, quot egregios Doctores, quot Synodos totas hæc dubitatio quæ religiosissima videbatur, cum de valore & fructu sacramenti maximè necessarii ageretur, aut à recta Fide, aut à Ro-mani Pontificis obedientia, aut saltem à vin-culo pacis abstraxerit, refert idem Baron. ad ann. 255. His quoque aut abscissis, aut ad concordiam revocatis, Eustathius quidam Ri-goristarum facilè princeps utpote qui consilia omnia Evangelica verterat in leges severissi-mas & gravia præcepta, Paphlagoniam alias-que Asiaticas regiones in magnum amitten-dæ Fidei periculum adduxit, effecissetque quod intendebat, nisi Gangrensis Concilii Patres impiis ejus conatibus obstitissent. Aliquorum interea Episcoporum operâ eo usque pervenit in aliquibus Orientis Eccle-siis, & præsertim Constantinopoli rigor Pœ-nitentiae, ut sedandis populis nimio rigore irritatis, Pœnitentiales omnes canones, aut
ple-

plerosque abrogare successores Episcopi, præeunte Nectario, coacti fuerint, ut satis innuunt Socrates lib. 5. cap. 19. & Sozomenus lib. 7. cap. 16.

Ab Aphrica, & Græcia in Gallias, & finitimas regiones rigor iste nimius transmeavit: Inde (ut ex infra disputandis constabit) fuit aliquibus etiam morientibus negata venia delictorum, aliis negata Communio, aliis nimis dilata, innumeri pœnitentiis prægravati, demum facta adeo exosa pœnitentia, ut per vim fuerint aliquandiu Fideles ad eam compellendi (ut ex libris Capitul. plurium Imperatorum constat) ac tandem fuerint, oblata relaxatione severissimæ pœnitentiæ, ab desperatione, in quam plerique prolapsi erant, ad spem salutis erigendi.

Soli Romanæ Ecclesiæ nunquam spiritus rigoris imposuit. Non semel is ejus finibus admovit copias suas, nempe dolos, quos soles adhibere virtus palliata, hypocrisis studiosa, sed fuit semper rejectus eo Stephani Pontificis responso, *Nihil innovetur*, quod traditum est servetur, eo Innocentii I. epist. 2. cap. 2. *Non est neganda pœnitentia postulanti*, eo Leonis epist. 89. *In dispensandis Dei donis non debemus esse difficiles*: § § 2 *Quin*

(VI)

Quin ipsa cæteras Ecclesias , labe nimii rigoris infectas , purgavit . Tertullianum excommunicatione perculit Zephyrinus Papa , ejusque in eo Rigorem proscripsit . Novatianismum Cornelius , Inde Innocentius epist. 2. cap. 2. Gallicanum Rigorismum Celestinus ad Exuperium scribens , Forojulensem , & postea Samniticum , Campanum , & Picenum , & iterum Gallicanum confixit Leo , ad harum Ecclesiarum Episcopos scribens , omnes demum Ecclesias ab hac peste cavere monuerunt B. Pius V. alique inde Pontifices & novissimè Alexander VIII. dum Bajanas, Ianferianas , aliasque ab his impuris fontibus propositiones collectas damnarunt .

Et quidem adeo Rigoristis infensam se præbuit Ecclesia Romana, ut aliqua, quamvis non essent mala , rejecerit aliquando , eo solo nomine , quod ab hoc hominum genere proponerentur . Hæc fuit (inquit Card. Baron. ad ann. 173. num. 3. & ex Baronio Spondanus) causa rejiciendi ea nova jejunia , quæ ad optimos fines proponebat Montanus, ad auerendas videlicet imminentes clades , & tentationes, itemque ad exercendam sobrietatis, & absti-

(VII)

abſtinentię diſciplinam, ne ſcilicet *ſpiritum Montani comprobaffe diceretur*.

Verũ non fuit ſolũ huiusmodi immoderati rigoris inimica Eccleſia Romana, ſed amantiſſima benignitatis, & quidem ab ortu ſuo. Benigniſſimus ejus fundator Petrus, primò ex indole ſua nihil anxia, nihil trepida, nihil moroſa, & ad commiſerationem facta. Secundò ex ſuæ infirmitatis experimento. Tertio ex benigniſſimi ſui Inſtitutoris exemplis. Quartò ex præcepto quo Chriſtus ipſum obſtrinxerat, exhibendi ſe ſeptuagies ſepties Peccatoribus indulgentem. Hanc ille benignitatem velut optimi ſui Parentis, & Præceptoris hereditatem tranſmiſit in ſucceſſores ſuos: hinc benigni omnes uſque adeo, ut quamvis non fuerint, viſi fuerint eſſe juſtò benigniores. Zephirinum Pontificem nimia benignitatis in mœchos, & reliquos delinquentes inſimulavit Tertullianus factus ex Eccleſiæ Doctore Procli Rigoriſtæ diſcipulus. Cornelius quem Cypr. defendit ad Antonianum ſcribens, nimis benignus viſus eſt aliquot Aphricanis Epiſcopis, quòd Trophimum Epiſcopum deſertæ Fidei cum ſuo populo reum, inde cum eodem ſuo populo pœ-

(VIII)

nitentem absolvit statim , & in gratiam recepit , Liberius Pontifex simili ex causa nimis benignus visus est Lucifero Episcopo Calaritano, ut aliqui referunt apud Card. Baron. ad ann. 362. Nimix similiter benignitatis suspicionem incurrit apud Felicem Episcopum Siculum Gregorius Magnus , ut ex ejus ad eum epistola constat . Reliquis demum, Romanis Pontificibus eandem nimix benignitatis notam inusserunt multarũ Catholici Orbis regionum Episcopi per plures, quod Pœnitentes nimium severe habitos ab Episcopis suis , & ad Romanam sedem recurrentes amanter exciperent , & aut totã, aut parte saltem impositæ pœnitentiæ misericorditer exonerarent , ut constât ex tot Pontificum ad prædictos Episcopos literis, & plurium Synodorum non usquequaque justis querimoniis . Majorem eidem Pontificum Romanorum benignitati invidiam conflare conati sunt recentiores decimi sexti seculi Novatores (atque utinam idipsum nō faciant modo rigidi Censores non pauci) quod ex Ecclesiæ thesauro misericorditer Divinæ justitiæ pendant, quod Pœnitentes in pœnæ sibi debitæ remissionem persolvere debuissent . Hinc illæ in Pontificiam

ciam aut potestatem , aut prodigalitatem , ut ipsi dicebant, sacrilegæ invectivæ. Sed hos aut rigidos fratres , aut rebelles filios , aut invidos hostes audiere nunquam , rejecere semper , & silere jusserunt Romani Pontifices, non ignorantes ejus se locum in Terris tenere , cujus benignitas semper Phariseos offendit , quique hac lege Romanam Ecclesiam fundare Petrum voluit, ut ipse, ejusque successores amarent oves suas , easque iterum atque iterum amarent , perditas quærent , nec redeuntibus imposerent onus pregrave præceptorum , aut pœnitentiarum , sed ipsas imponderent humeris suis , & per quandam benignitatis amabilem violentiam ad caulas reportarent .

Habeant igitur reliquæ Orbis terrarum Ecclesiæ laudem suam, decora sua. Benignitas fuit semper, eritque Ecclesiæ Romanæ præconium , non ea quidem quæ semper fuit inutilis , aut etiam perniciosa , quæ videlicet Hæreticis, aut simulatoribus , aut contumacibus impenditur, sed quæ Fidelibus, quæ subiectis, quæ Pœnitentibus exhibetur, dicam brevius, quam Fundator tuus exhibuit. Benignissimus quidem Petrus fuit , sed non cum Anania,

nia,

(X)

nia , & Saphira hypocritis , & deceptoribus , non cum Simone impostore , sed cum Neophitis , cum Fidelibus , cum Pœnitentibus . Duos illos conjuges hypocritas paucis verbis tanquam telo non errante transfodit , Impostorem verò volentem de Cœlo detraxit , ejusque crura confregit . At Neophytos Hebræos quamvis judaizantes toleravit , Neophytos Gentiles onere antiquæ legis absolvit , Antiochenos Fideles magno numero præceptorum onerari noluit , nulli Pœnitentium veniam denegavit .

Hæc eadem fuit successorum Petri benignitas , idem rigor , Rigor in Hæreticos , hos enim indulgentia audaciores facit , Rigor in Impostores hypocritas , ne diutiùs imponant , ac decipiant , Rigor in Rigoristas , ne legem Evangelicam vertant in tyrannidem animorum ; Benignitas verò in eos , quos recens ad Fidem mater Ecclesia parturit , quibus lac præberi voluere , nempe facilem disciplinam , Benignitas in Populos subjectos , quos novis semper nec penitus necessariis urgeri præceptis noluerit , Benignitas demum in Pœnitentes , quorum , ut paulò ante dicebam , fuit semper Ecclesia Romana perfugium .

Hanc

Hanc Benignitatem tuere qui Clerici Romani nomen habes, & cupis implere. Cave à Rigorismo, Cave à Rigoristis, qui de regione longinqua veniunt ad Te in vestibus ovium, in fronte modesta, in oculis submissis, in vultu demisso, in gestu composito, in toga decenti, in sermone suavi. Cave etiam ab iis qui non veniunt, sed mittunt ad te Commentarios suos, Summas suas, Instructiones suas, Rigorismum suum. Pudeat Clericum Romanum Romanam Sapientiam dedoceri, edoceri peregrinam, Tuam amittere, admittere suspectam, imo rejectam, ex Romano Clerico evadere Clericum Transmontanum.

At (inquies) quis iste Rigorismus est? Qui Rigoristæ sunt? Qui eorum libri, ut cavere possim?

Respondebo. Habent Jansenistæ Theologiam suam speculativam, & practicam, seu moralem. Speculativa Jansenismus est, Practica, seu moralis Rigorismus est. Hujus tria principia sunt, Patres jactare plurimum, Pontifices æstimare parvi, recentiores Theologos nihili. Patribus, ut ab ipsis exponuntur, deferre obsequium verum, Pontificibus simulatum, reliquis Doctoribus neutrum. A Divo
Augu-

(XII)

Augustino vero aut putato recedere nunquam, nec S. Doctorem ex Conciliis interpretari, sed ex eo Concilia: Pontificibus ex Cathedra docentibus accedere aliquando, & id profiteri, si videlicet non adversentur; ab Scholasticis vero præsertim duplicis postremi seculi in controversiis morum, vel in re, vel in modo loquendi recedere semper, vel ne legere quidem illos, & multò minus in suis scriptis, vel libris honorificè allegare.

Hujus spiritus indoles tetrica est, suspiciosa, artificiosa, ambitiosa, immisericors, tyrannica, uno verbo Pharisaica. Habes ex his unde eos dignoscas, si nosti vitia Phariseorum. Quatuor illa potissimum erant, facies simulata, cor durum, animus malignus, vota ambitiosa. Sanctitatem præferebant, zelum legis, amorem disciplinæ, sed tota erat in cute sanctitas, in corde verò durities, quare nihil alienis laboribus, angustiis, periculis tangebantur, nihil ad humanæ infirmitatis commiserationem movebantur, hinc illa multiplicandi præcepta facilitas, illa severissima legis in aliquibus caeremoniis, aut minoris momenti præceptis interpretatio, illa rigidissima in exigendis legalibus

(XIII)

libus tributis , vel oneribus cura , quibus sic arctam faciebant viam Cæli , ut clauderent penitus . Hanc eorum hypocrisim ambitionem , & inclementissimi cordis duritiem sæpissime in eis redarguit Christus Dominus , sed præsertim Matth. cap. 23. *Dicunt , & non faciunt . Alligant enim onera gravia , & importabilia , & imponunt in humeros hominum , digito autem suo nolunt ea movere , omnia verò opera sua faciunt , ut videantur ab hominibus . Dilatant enim phylacteria sua , & magnificant fimbrias . Amant autem primos recubitus in cœnis , & primas cathedras in synagogis , & salutationes in foro , & vocari ab hominibus Rabbi Væ autem vobis Scribæ , & Pharisei hypocritæ , quia clauditis Regnum Cœlorum ante homines ; vos enim non intratis , nec introeuntes finitis intrare .* Par erat inclementiæ cordis malignitas animi , ex qua semper inquirebant in Discipulorum Christi , inque ipsius Christi Domini facta , dicta , & cogitationes ipsas , captiosè interrogabant , pejora semper suspicabantur , omnesque nocendi artes prætextu tamen pietatis , & amoris tuendæ legalis disciplinæ excogitabant .

Quos igitur deprehenderis in facie sanctos

(XIV)

atos modestos , compositos , Ecclesiasticè in toto habitu comptos , sed habentes semper quid interrogent , quid inquirant , quid dubitent , quid obiiciant , quid non probent , quid refecent , quid restringant , quid addant , quid emendent , semper mussantes , semper deflentes nostram ætatem , nostros mores , nostram doctrinam , habentes nunquam quod excusent , quod indulgeant , quod laudent , nisi aut sua sint , aut suorum , quos evehere curant , ut evehantur ipsi , & domineantur in Cleris , aut proteganrur , habe illos , ut nostrorum temporum Phariseos , & veri nominis Rigoistas .

Eorum verò libros facilè dignosces ex Authoris regione , Academia , familia , libri prima facie , modo probandi assertiones suas , allegationibus &c. Nosti regiones occulto morbo laborantes , Academias , Familias , Collegia . Hæc suspicionem faciant . Ea verò celebris in fronte libri promissio tradendi doctrinam sacrae Scripturae Conciliorum , & Patrum , suspicionem augeant ; non enim , ut olim , promissio nunc est in recentibus his compendiariis dogmaticis , moralibus ac textualibus Theologiis , sed est protestatio quædam ,

dam , qua Author significat , se scholasticam
viam in probando , confirmandoque assertio-
nes suas non insistere , non speculari , non
rirari , sed textus congerere veterum Do-
ctorum , recentiorum nunquam , seque so-
lum proinde velle esse veterum Scriptorum
& Canonum interpretem : sibi credendum ,
non Cajetano , non Adriano , non Soto , non
Suario , non Vasquio , qui pleni sunt texti-
bus scripturarum , Conciliorum , & Patrum
sed eos conferunt ad invicem , & ex recepta
Ecclesiæ doctrina , ac Pontificiis definitioni-
bus exponunt . Si tandem advertas aut eos
nihil meminisse Decretorum Pontificum in
materia , in qua essent afferenda , aut eorum
solum meminisse , quæ fuisse putant minus
benigna , vel sibi haudquaquam adversa , &
afferre in calce sui operis eorum decreta , non
autem B. Pii V. & Successorum Constitutio-
nes contrà Bajanas multas propositiones , nec
Alexandri VIII. contrà similes assertiones de-
cretum , ut facit auctor recentissimæ Theo-
logiæ , quam paucos ante dies legebam , suspi-
care vehementer , ne Auctor ex illis sit , quos
describebam antea , manifestos Recentiorum ,
occultos Pontificum contemptores , & solius
Augu-

Augustini, ut ab ipsis exponitur, nempe sui solius iudicii adoratores, quique nisi timerent sibi, candidè dicerent Tibi, *Ubi inveneris Doctrinam iu Augustino clarè fundatam, illam absolutè potes tenere, & docere, non respiciendo ad ullam Pontificis Bullam*. Hos proinde libros abjice, aut si Theologicis institutionibus ex principiis D. Thomæ aut D. Bonaventuræ vel Scoti, es bene & altùm instructus, lege, ut refellas, & abjicias.

At qua ratione refellam? (inquis). Nunc intelliges, inutilem Tibi nen futurum laborem meum, quem his meis Disputationibus concinnandis impendi. Rejiciunt illæ rigidiorum hujusmodi librorum doctrinam, & rationem facilem præbent, qua eam ipse rejicias, subruendo videlicet quadruplex ejus fundamentum, falsa videlicet quatuor præjudicia, seu persuasiones, quibus prædicti Doctores decipiuntur ipsi, & alios decipiunt. Putant enim veterem Ecclesiam fuisse severissimam in Pœnitentes & canones, ut id probent, afferunt, qui sunt totidem in eam calumniæ. En prima eorum persuasio. Putant præsentem Ecclesiam esse nimis benignam in Pœnitentes, idque aliquibus assertionibus exponunt, quæ

(XVII)

quæ sunt totidem in eam calumniæ . En altera æque falsa eorum persuasio , ex qua utrâque oriuntur illa rigidiorum Doctorem præconia , illæ querimoniæ , illæ severissimæ leges ; preconia quibus antiquam Ecclesiam celebrant , querimoniæ quibus præsentis Ecclesiæ benignitatem desent , leges quibus arctari Pœnitentes cupiunt . Putant ab antiquis Doctoribus totam doctrinam moralem tradi distinctè , plenè , ac disertè . En tertia eorum persuasio . A recentioribus verò Scriptoribus passim confundi , laxari , corrumpi . En quarta demum persuasio . Ab utraque autem oritur ille solius antiquæ Patrum doctrinæ amor , & celebratio , recentiorum verò Doctorem despicientia , & vituperatio , hinc amor rigoris , cui illos suffragari putant , hinc odium benignitatis , cui Recentiores favere videntur .

Harum quatuor persuasionum falsitatem , hi duo libri , quos tibi præbeo , demonstrant , aut saltem demonstrare conantur , ut ex Indice Calumniarum , seu Disputationum , quibus confictas in utramque Ecclesiam calumnias detegunt , ac refellunt , facile colliges . Libros accipe . Indicem quem sta-

§ § §

tim

(XVIII)

tim subtexo , perlege , & incipies , ut spero
mihi gratias habere , quod faciam , ne Te de-
cipiant rigidi Doctores , nec desinas esse qui
semper esse debes , Clericus Romanus .

I N D E X
PRIMÆ PARTIS TOTIUS OPERIS ,
SEU PRIMI LIBRI ,

Quo veteris Ecclesiæ Severitas à Crudelitate
per duodecim Calumnias ei attributà
per totidem Disputationes
vindicaretur .

Calumnia I.

*Clericis , præsertim majoribus in quædam
scelera prolapsis vetus Ecclesia veniam
negavit . Disputatio I.*

Calumnia II.

*Quibusdam criminibus , nempe apostasia ,
homicidio , & adulterio nunquam
fuit per aliquot sæcula data venia .
Disp. II.*

Calum-

Calumnia III.

*Iis qui studiosè distulerant ad extremum
vitæ pœnitentiam, ab Ecclesia veteri
negata penitus venia fuit. Disp.III.*

Calumnia IV.

*Reis ad mortem damnatis olim Ecclesia
veniam negavit, aut negari permisit.
Disp.IV.*

Calumnia V.

*Iis qui post solemnem Pœnitentiam re-
lapsi essent, Ecclesia vetus veniam, &
absolutionem etiam in morte negavit.
Disp.V.*

Calumnia VI.

*Pœnitentibus injungebat olim Ecclesia
publicam occultorum quoque crimi-
num Confessionem. Disp.VI.*

Calumnia VII.

*Publica pro delictis etiam occultis pœni-
tentia subeunda fuit ex veteris Ecce-
siae disciplina. Disp.VII.*

Calumnia VIII.

Pro quibuslibet peccatis lethalibus publi-

cam pœnitentiam imposuit vetus Ec-
clesia . Disp.VIII.

Calumnia IX.

*Per viginti, & amplius annos variis ,
magnisque corporis , animique labori-*
bus suos Pœnitentes exercere , ac pro-
bare consuevit vetus Ecclesia. Disp.IX.

Calumnia X.

Per vim fuere Fideles veteris Ecclesiæ ad
publicam , & sevèrissimam pœniten-
tiam compulsi . Disp.X.

Calumnia XI.

Pœnitentes solum post impletam pœniten-
tiam absolvere consuevit vetus Ec-
clesia . Disp.IX.

Calumnia XII.

Confessariis fuit olim , permissum , aut
etiam injunctum , ut pœnitentium pec-
cata , ad eos in officio continendos , re-
velarent . Disp.XII.

I N D E X

SECUNDÆ PARTIS,

• SEU SECUNDI LIBRI

Quo præsentis Ecclesiæ benignitas à laxitate
per duodecim Calumnias ei attributâ
per totidem Disputationes
vindicaretur .

Calumnia I.

*Ecclesia præsens in administrando Sacra-
mento Pœnitentiæ, & vindicandis Fi-
delium culpis à veteri Ecclesia penitus
recessit . Disp.I.*

Calumnia II.

*Refrigescentis Fidelium Charitas præsentis
Ecclesiæ Benignitatem invexit. Disp.II.*

Calumnia III.

*Confessarii , Theologique , quorum causâ
rigidioris Pœnitentiæ disciplina desit
in Ecclesia , fuere Religiosi præsertim
men-*

mendicantes qui ex Instituto suo non sunt audiendis Secularium Confessionibus satis idonei . Disp.III.

Calumnia IV.

His ultimis tēporibus benignius fuit quàm seculo decimo tertio, quo Benigna hæc Praxis invaluit, Sacramentum Pœnitentiæ administratum . Disp.IV.

Calumnia V.

Recentiores Theologi Scholastici, Moralesque, dum inutilibus quæstionibus tempus terunt, & ex genio, ingenioque suo magis, quam ex doctrina Patrum, respondent, scribuntque, magnum Theologiæ morali, ac foro Pœnitentiæ damnum inferunt, aut facile inferent . Disp.V.

Calumnia VI.

Præsens Benignitas in administrando hoc Sacramento non est consentanea
Scri-

*Scripturis , & ejusdem Sacramenti
Institutioni . Disp. VI.*

Calumnia VII.

*Prædicta Benignitas Patrum regulis, &
sententiis adversatur . Disp. VII.*

Calumnia VIII.

*Rejēcta à Sanctis Viris , & præsertim à
D. Carolò præsens Benignitas fuit .
Disp. VIII.*

Calumnia IX.

*Etiam nunc eadem Benignitas à melioris
notæ Theologis , ac Sacerdotibus , ac
proindē à meliori Ecclesiæ parte repro-
batur . Disp. IX.*

Calumnia X.

*Prædicta Benignitas non est satis tuta
adeòque Sacramento injuriosa . Disp.
X.*

Ca-

Calumnia XI.

Eadem pernicioſa Fidelibus eſt. Diſp.
XI.

Calumnia XII.

Temperanda ſaltem eſt aliquo majori Ri-
gore præſens Eccleſiæ benignitas. Diſp.
XII.

FINIS.

